

تۈرك يۈردى

نامىرى : تۈرك يۈردى

مديرى : محمد امين

۸ اغستوس ۱۳۲۹

۲ يىل

صافى ۲۲

تورک یوردی

اون بش کونده بر چیقار

تورکلرک فائده سنه چالیشیر

ادیات

لیبرتیه

مقفا بر فاجعه

(باشی ۲ نجی ییلک ۱۳ نجی صایئسنده)

آنسترومانه

نجه بوگون وجودی دویرلسون ؟

سکره مزارینه کیدوب طایملی .

- ایهام ایله -

خسته احتضارده ؟ زهر ویرلسون .

تمل چورومش ، ییقوبده یایملی .

لیبرتیه

- غضبناک -

نه دیمک ! دولتمی تبدیل اولنسون ؟

آنسترومانه

- خوف ایله -

حاشا !... او یله دیمدم ...

لیبرتیه

اونه یا ؟..

نه دیتره یورسین ؟

آنسترومانه

برچاره بولسون

دیمک ایستدم

لیبرته

- گوزی گوزنده -

اوله می ؟ ...

آنسترومانه

بی ریا .

لیبرته

پکی ! ...

آنسترومانه

تکدیر ییه مم ! قلم پک طوق !

فکرمی آ گلامیورسین ...

لیبرته

بالعکس .

فکرکی شمدی آ گلادم ! باس یوق !

سن بر مرآتسین ، بوفکر منعکس .

ایکنجی مجلس

- لیبرته یالکیز -

لیبرته

- آنسترومانی نظریله تعقیب ایدرک -

زهرلی دگل ، زهرلنش ییلان ،

بشقه سنک دیشلریله صوقه جق ! ..

باقلم بومنبع فساد اولان
 جمعیتدن دها نهلر چیقہ جق !
 - تأمل هول انگیز ایچنده -
 دیمک که او خطرناک جمعیتک
 بویلهده مقصدی وار !. بدیدار !..
 - خطاب ایله -
 نیجه بر بومستکره امنیتک ؟
 تاجک کیدیور ، آی مغفل حکمدار !
 - دائماً تأملده -
 عجب بو آقان سیل بر گون طوررمی ؟
 شویلدیرملر نیجه بر اینه جک !
 عجب بوزهر چشمه سی قوررمی ؟
 او مددهش ولقان هانگی گون سونه جک !
 - اشکریز مناجات -
 باتیورز ! امداد ایت ربم امداد !
 بزی سن قورتاریرسین ، دکل آخر .
 بیك ییلق بر قوم جهانگیر اجداد
 یوگون بش چاقین آئنده مسخر !..

عبدالحق صامر

یتیمی

